

que nulz ne les peult cōprendre ne encerchier souffisammēt. Toutefuoyes par
aucunes p̄sumptions ie tiē ⁊ croy que dieu qui est iuste ⁊ droicturier a souf-
fert que ce soit aduenū par cause iuste et raysonnable. Car tu qui as nom me-
libee qui vault autāt comme cil qui boit le miel a voulu tāt boire de miel cest a
dire de la douceur des biēs tēporelz des richesses des delices ⁊ des honneurs
de ce mōde que tu en as este tous yures ⁊ as oublie dieu tō createur ne ne luy
as porte hōneur ne reuerēce ainsi cōme tu deusses. Tu nas pas biē retenu en
ta memoire la parole douide qui dit. Dessoubz le miel de la douceur des biens
du corps est estēduz le venin qui occist lame. Et salomon dit. Se tu as trouue
le miel si en māge a souffisāce. car se tu en māges oultre mesure il te cōuēdra
vomir. Pource par aduenture dieu a heu desp̄it de toy ⁊ a tourne sa face et les
oreilles de sa misericorde daultrepart ⁊ a souffert que tu as pechie contre luy.
Tu as pechie cōtre luy car les troys ennemis de lūmain lignage q̄ sont le mō-
de la char et le dyable tu as laissie entrer en ton cueur tout francemēt par les
fenestre du corps sans toy deffendre souffisammēt cōtre leur assault ⁊ leur tē-
ptaciō en tel maniere quilz ont naure lame de toy de cinq playes. cest a dire de
tous les pechies mortelz qui entrēt ou cueur par les cinq sens du corps. pour
ceste semblāce nostre seigneur a voulu ⁊ souffert que ces troys ennemis soiēt
ētres en ta maĩsō p̄ les fenestres ⁊ ōt naure ta fille en la maniere dessus dicte

Qertes dit melibee ie voy biē que vous vous efforciez moult p̄ dou-
ces paroles de moy encliner affin que ie ne me vēge point de mes en-
nemis ⁊ maues mōstre moult sagemēt les perilz ⁊ les maulx q̄ pou-
roiet aduenir de ceste vēgance. mais quiouldroit cōsiderer en toutes vēgan-
ges tous les perilz ⁊ les maulx qui sen peuēt ensuyuir lon ne feroit iamais vē-
gance. ⁊ ce seroit moult grāt dommage car par vēgāce les mauuais sont oste-
dentre les bons. ⁊ ceulx qui ont cueur de mal faire se retraiet quant ilz voient
que lon punit les malfaicteurs

Ale respond dame prudence. Certes dit elle ie toctroye que de ven-
gance vient moult de biens. mais faire vengeance nappartient pas a
chascun fors seulement es iuges ⁊ a ceulx qui ont la iurisdiction sur
les malfaicteurs. Et dy plus q̄ aĩsi cōme vne personne singuliere pecheroit en
faisant vēgāce. ainsi pecheroit le iuge laissant de faire vengeance. Car seneque
dit. Celuy nuit aux bons qui espargne les mauuais selō ce qui desplairoit aux
iuges ⁊ aux souuerains. Et vng aultre dit. Le iuge q̄ doute faire les droĩs fait